

Bilboko Berregokipenerako Hirigintza Elkarte S.A. SURBISAko presidentearen 2024.02.20eko erabakiaren laburpena, Bilboko titulartasun pribatuko egoitza-eraikinetaran Oztoko Arkitektonikoak Kentzeko Programaren 2024. urterako dirulaguntzetarako deialdia egiten duena.

Diru-laguntzei buruzko 38/2006 Lege Orokorrak, azaroaren 17koak, 17.3 b eta 20.8 a artikuluetan aurreikusten duenarekin bat eginez, deialdiaren laburpena argitaratu da, eta horren testu osoa Diru Laguntzen Estatuko Datu Basean kontsulta daiteke: (<http://www.pap.minhap.gob.es/bdnstrans/index>). Hona hemen laburpena:

1.- Xedea.-

Deialdi honen xedea da bizitegi eraikinei eragiten dieten arkitektura-oztopoak kentzeko lanak finantzatzeko diru-laguntzak ematea: eraikinaren barreneko elementu komunetan daudenean, atari ondo-ondoan dauden kanpoko oztopoak direnean (maila edo eskailerak, adibidez) eta igogailurik ez badu igogailua jartzeko direnean.

Era berean, helburutzat dute titulartasun pribatuen kanpoaldeko urbanizazioen eraberritze lanak finantzatzeko diru-laguntzak ematea ere badu xedetzat, erabilera publiko nahiz pribatukoak direnean eta bizitegi eraikinen inguruan daudenean, beti ere, arkitektura oztopoak kentzea helburu duten lanak direnean.

2.- Onuradunak.

Bizitegi eraikinen Jabekideen Elkarteek eta etxebizitzaren jabeak diren pertsona fisiko nahiz juridikoek eska dezakete diru-laguntza, arkitektura oztopoak kentzeko jarduketak burutzen dituztenean, bai eta jarduketa horiek egikaritu eta finantzatzeko dituzten atxikitako pertsonek ere.

3.- Oinarri Arautzaileak.

Surbisako Administrazio Kontseiluak 2024ko otsailaren 6an eginiko saioan onetsitakoak dira eta 2024ko otsailaren 19ko Bizkaiko Aldizkari Ofizialean, nahiz Surbisaren web-orrian, argitaratuta daude.

4.- Aurrekontu kreditua.

Deialdi honen guztizko zenbatekoa 800.000,00 eurokoa da, 2024ko aurrekontuko 2024/23000/15220/7330200 partidaren kargura.

5.- Diruz lagundu beharreko jardueren denbora-eremua.-

Jarduera subentzionagarri guztietarako laguntzen eskaera jarduera amaituta dagoela aurkeztuko da.

Ezin izango dira laguntza horiek jaso fakturak 2023ko urtarrilaren 1a baino lehenagokoak badira. Ordainketa partzialak egon diren kasuetan amaierako likidazioaren data 2023ko urtarrilaren 1tik aurrerakoa izan beharko da.

Laguntza ekonomikoetara biltzeko, obrek, hala badagokio, nahitaezko obra-lizentzia izan behar dute, edo, bestela, beharrezko obra-jakinazpena (aurrerantzean, bi kasuetarako obra-baimena), eta espediente horietan eskatutako obra-amaierako dokumentazioa behar bezala aurkeztu behar dute, hala badagokio.

6. Zenbatekoak.

Jaso beharreko zenbatekoa Oztopo Arkitektonikoak Kentzeko Programaren 4. artikuluan zehazten dira.

7.- Aurkezteko lekua.

Deialdi honi dagozkion dirulaguntza eskaerak aurrez aurre aurkeztu ahal izango dira Surbisako bulegoetan (Erronda kalea 6). Horretarako, hitzordua eskatu ahal izango da 94-415.99.55 telefonoaren bidez.

Eskabideak helbide elektroniko honetan ere aurkeztu ahal izango dira: accesibilidadestructura@surb.bilbao.eus

8.- Eskariak eta aurkeztu beharreko dokumentazioa aurkezteko epea.

Eskabideak aurkezteko epea deialdiaren laburpena Bizkaiko Aldizkari Ofizialean argitaratu eta biharamunean hasiko da, eta 2024ko azaroaren 13an amaituko da.

Urteko diru-izendapena agortu ondoren beste eskabide batzuk aurkeztu ahal izango dira, baina hurrengo ekitaldian ebatziko dira aurrekontuko diru-izendapen berririk balego.

Deialdi honetan sartuta daude, berriro eskaera egin behar izan gabe, honen aurretik aurkeztutako eskaerak, emateko ebazpena eta ordainketa egiteko zain baldin badaude, Xedapen Iragankorrean ezartzen den moduan.

8.1.- Erantsi beharreko dokumentazioa:

Oinarri arautzaileetako "Irisgarritasuna/oztopoak ezabatzea" Programaren 6.1. artikuluan jasotzen denari jarraituz:

1.- Surbisaren bulegoetan eta bere web orrian jaso daitekeen "Eskaera eta Erantzukizunpeko adierazpena" inprimakia, behar bezala beteta eta sinatua.

2.- Ordezkariek bere NANaren fotokopia, Jabekideen Elkartearen IFKren fotokopia eta ordezkaritza eman izana adierazten duen dokumentua aurkeztu beharko du.

3.- Esku-hartzea obrak egikaritzea denean, emandako udal lizentziaren kopia. Lizentzia hori behar ez bada, dagokion aurretiazko jakinarazpena. Ez dira onartuko obrak egikaritu ostean lortutako edo aurkeztutako lizentziak edo Obraren Aurretiazko Jakinarazpenak edo Instalaziokoak.

Zeharkako eskailerak instalatzeko edo obra baimena / lizentzia eskatzen ez den beste obra batzuen balizkoan, burututako jarduketaren argazkiak.

4.-Jabekideen Elkartearen Akta, zeinetan burutzekoak diren obrak onesten direla adierazten den edo dokumentu teknikoak; bertan, onetsitako aurrekontuaren zenbatekoa jasota etorriko da.

5.- Beren-beregi salbuetsitako balizkoetan izan ezik, esku-hartzean sartzen den/diren eraikinaren edo Eraikinen Ikuskapen Teknikoaren txostena. Honek aurkeztu izanaren egiaztapen zigilua izango du jarrita. Baldin-eta EITan 1, 2 edo 3. graduako obrak eskatzen badira, aurrekoaz gain, Eraikinaren Ikuskatze Teknikoak Adierazitako Gabeziak Konpondu Izanaren Ziurtagiria aurkeztu beharko da, dagokion Erregistroan aurkeztu izana egiaztatzen duen zigilua duelarik.

6.- Obrak hala eskatzen badu, teknikari eskudunaren Proiektu oniritziduna eta amaierako ziurtapenaren eta likidazioaren kopia.

7.- Birgaitutako eraikinaren aldearen obrak hasi aurreko egoeraren eta obra amaierako egoeraren koloretako argazkiak.

8.- Kontu-zenbakia eta horren titulartasuna justifikatzen duen dokumentua.

9.- Kostuen justifikazio dokumentala: Burututako esku-hartzearen faktura banakatua (banakatua ez badago aurrekontu xehatua eta faktura aurkeztuko dira), udal tasa eta zergena eta profesionalen ordainsariena, baldin baleude. Ez da zenbatekorik diruz lagunduko eskaerarekin batera horren faktura edo ziurtagiria erantsi ez bada eta ez da eskaria egin ostean aurkeztutako besterik onartuko.

10.- Hala badagokio, igogailua jartzeko erosi edo besterendu den lursailaren edo eraikuntza-zatiaren truke ordaindutako prezioaren dokumentu justifikatzailea.

Dokumentazio guztia kontzeptuka banakatua egongo da, eta zehazki ziurtatua geratuko da horrela diruz laguntzekoa den aurrekontua.

9.- Emate-prozedura, honen epeak, esku-hartzen duten organoak, baliabideak eta kontuan hartu beharreko gainerako betekizunak Oinarri Arautzaileetan jasotakoak dira.

Bilbon, 2024ko otsailaren 20ean.

SURBISako presidentea Jon Bilbao Urquijo